

ТОМ БОЛЬШЕВИК

(Молодой большевик)

ГАЗЕТА ВЫЛÖ
ГИЖШАН ЦЕНА
1 год кежö 9 р. 60 к.
6 мес. кежö 4 р. 80 к.
3 мес. кежö 2 р. 40 к.
1 мес. кежö — 80 к.
Редакциялön адрес:
г. Кудымкар, Горько-
го 27 (б). Телеф. 1-87

ВЛКСМ Коми-Пермяцкöй окружкомлön да Кудымкарскöй райкомлön орган

БЫРÖТНЫ ШКОЛАЗЗИСЬ БЫТОВОЙ РАЗЛОЖЕННЁ ФАКТТЭЗ

Народлön врагез—троцкистско-бухаринскöй фашистскöй наймиттэз да японо-немецкöй шпионнэз, кöдна орудуйтисö комсомолын, быднёжа пешлисёб разложитны Ленинско-Сталинскöй комсомолöс и быдöс советскöй том отирöс. Ния мöдисö том отирöс разложитны бытын, разложитны политическöя, мый понда садитлисö пируйтöм, ошкывлисö пресловутöй „кокнит нравез“, бытлыдывлисö личнöй, частнöй делöбн, кöда быдте оз пöйтсы политикакöt. Но разложитны советскöй том отирöс фашистскöй гнуссэзлö аз удачны и некөр оз удачны. Комсомол и быдöс советскöй том отир крепыта сплотитчöм большевистскöй партия да народдэзлön великöй вождь ёрт Сталин гөгөр.

ВЛКСМ окружнöй комитетлön одзасыя юралиссез округись том отир коласын бытöвöй да моральнöй разложеннё факттэзлö аз сетлö некытшöм значеннё. Ния асланыс уджын ВЛКСМ ЦК IV да VII пленуммезлön решеннэзись аз керлö практическöй выводдэз. Этасын мукöд комсомолецез коласын вуджыясисö быт йылись большевизмлö чуждöи пред ставленнэз.

Бытöвöй разложеннё факттэз öддöбн уна вöлисö и öвöдэ эмöсь мукöд школаэзын и вермисö ния лоны только сйöбн, мыля педагогез лыддисö, что быт оз йитсы политикакöt. Только этасын Юсьвинскöй районись Архангельскöй школаын шогмисö воиющöй безобразезэз. Эта школаын уджались натодильнöй врачевнöй комиссия, кöда адзис, что VII классись 30 велöгчись—нывкаок колались олöны половой оланöн 17 морт. Эмöсь 12 годся нывкаоккез ния олöны половой оланöн. Велöтиссез эта йылись тöдлö, но лыддисö сетшöм факттэзсö нормальнöйöн.

Мукöд школаэзын велöтиссез челядь коласын политико-воспитателнöй удж туйö асынысö бытын гидзöны не сöстöма. Сия жö Архангельскöй школаись велöтиссез Глотов да Вавилин М. С. пируйтлисö. Вавилиныс пируйтлис вельки школаас. Школаись ди-

ректор Кривошеков А. И. сетшöм безобразезакöt аз принимайт некытшöм мераэз. Пичугинскöй школаись велöтись Зубов челядьöс воспитывайтöм туйö ачыс видзис половой связь велöтчиссезакöt. Юрлинскöй районись велöтись Чемоданова асысö бытын видзём не сöстöма, мыччавлём умöль пример массалö, мый понда сия öни чапкём школьнöй удж вьлись. Гаинскöй школаись мукöд велöтиссез тожö пируйтöны.

Воспитателнöй удж бök вештöм кузя эмöсь факттэз, көр Юрлинскöй школася VII классись велöгчиссез мунисö жöник сайö и дугдисö велöгчыны. Кочевскöй шöрöt школаись 16 годся велöгчись тожö мунис жöник сайö, школаын велöгчыны дугдис.

Этатшöм факттэзсö миян советскöй школаын оз позь терпитны. Нийö школаись колö вуджжезнас бырöтны. И медперво эта удж бердö колö кутчисьны школаэзись комсомольскöй организацияэзлö да педагогезлö—комсомолецезлö.

Март 1-öй лунöдз ВЛКСМ окружнöй комитетлön пленум решеннэ сьöрти районэзын пондасö чулöгчисьны велöтиссезлön-комсомолецезлön собраннэз, кöдна вылын пондас сулавныс вопрос ВЛКСМ ЦК-лön IV да VII пленуммезлись решеннэз олöмö пыртöм йылись. Эвö собраннэзсö колö чулöгчыны колана идейно-политическöй уровень вылын. Критика да самокритика колö лэбтыны вылöжык, медбы быдсөн петкötны вевдөрö бытöвöй да моральнöй разложеннё факттэзсö и вуджынас нийö летны миян советскöй школаись.

Школа одзын сулалö почетнöй задача—воспитывайтны том поколеннё большевизм идеяэз вылын, воспитывайтны сйдз, медбы челядыс быдмисö социалистическöй родиналön пламеннöй патриоттэзö, вöлисö бы мужественнöйöсь, повтöмсь классовый пессöмын, физическöя сильнöйöсь, камитчöмсь. Этö боевöй, почетнöй задачасö тыртöмын педагогез—комсомолецез должөнсь видзны авангарднöй роль.

Велöтиссезлön совещаннё

Февраль 12 лунö Кудымкарскöй районись небыдса шöрöt школаэзись директорезлön да велöтиссезлön вöли совещаннё, кöда вылын вöлисö 99 морт.

Совещаннё вылын школаын воспитателнöй удж йылись доклад керис ронлön заведующöй ёрт Зубарева.

Нешатаева

ОКРУГИСЬ ТОМ ОТИР ЫДЖЫТ ЭНТУЗИАЗМÖН ПЫРИС ПАРТИЯЛÖН XVIII С'ЕЗД НИМА СОЦИАЛИСТИЧЕСКÖЙ СОРЕВНОВАННЁ

Стахановец Якимов ассис обязательство тыртис

(ТУКАЧЕВСКÖЙ МЕХВÖРПУНКТИСЬ СТАХАНОВЕЦ
Ф. А. ЯКИМОВЛÖН ГИЖÖТ)

Ме тавося арö ас вылам босьли обязательство керавны вөр 1000 фесметра. Этö обязательствоёс талуня лун кежö тырти честьöн: 1000 фесметра туйö 3 месяцö кералі 106 фесметра.

Öни миян странаись уна-миллиона народ лöсьöгчö Ленин—Сталин партиалön 18-өг съезд кежö. Ме эта съездлö решити сетны подарок—ашö керавны вөр 300 фесметра. Лунся норма туйö быд лунö лондi керавны 20—30 фесметраöн.

Вөр кералöмын ме соревнуйгча стахановецкöt ёрт А. Д. Тукачевкöt. Сия партиались съезд панталö то-

жö замечательнöй победаён вөрзаптан производственнöй план тыртöмын.

Досуг коста мийö ёрт Тукачевкöt лыддöтлам газеттэз, нубтам массово-разъяснительнöй удж союзтöм том отир коласын, кызд комсомолецез, пыр велöтам партиались история.

Видзамö связь Купроскöй изба-читальнякöt, кöда миянлö сетавлö лыддыны бур книгаэз. Бура миянлö отсалö велöгчыны комсомолец ёрт Мальцев Е. И.

Вөркерались—стахановец Ф. А. Якимов.

КУДЫМКАРСКÖЙ РОЧ ШÖРÖТ ШКОЛАСЯ БУДЕННÖЙ НИМА ОТРЯДИСЬ ПИОНЕРРЕЗЛÖН ОКРУГИСЬ ПИОНЕРРЕЗЛÖ ДА ШКОЛЬНИККЕЗЛÖ ШЫÖТЧÖМ

Челядь!

Öмбн миян ыджыт страна пасья öни мунö Всесоюзнöй коммунистическöй партиалön XVIII с'езд кежö лöсьöтчöм. Быд фабрика да завод, быд шахта да колхоз, быд рабочй да колхозник пизьöны öтик желаннён—буржыка, достойнöя пантавы этö знаменательнöй датасö, лöсьöтны партия с'ездлö, миян родиналö виль подарок, виль победа.

Миян пионерскöй отряд пырис партиалön XVIII с'езд нима социалистическöй соревнованнё. Первöй подарокөн, кöдö мийö решитим зайны с'ездлö, лоас отрядлön школаын успевайтöм 100 процент вылö, унажык отличнöй да бур оценкаэз, пессыны сы понда, медбы велöгчан год конец кежö быдсөн ликвидируйтны второгодничество.

Быд пионер обязуйтчö видзны отличнöй дисциплина, пессыны сы понда, медбы школаö вовлём вöли 100 процент вылö.

Мийö обязуйтчам тщательнöя лöсьöтчыны быд урок кежö.

Партиалön XVIII с'езд оссьöм лун кежö миян отрядись быд пионер пондас имейтны обороннöй значоккез (не етшажык öтикся).

Не школьнöй кад коста мийö пондам уджавны кружоккезын, готовитны с'ездлö индивидуальнöй подароккез, а с'езд оссян лунö керам натодильнöй выставка.

Мийö корам округись быдöс пионеррезöс да школьниккезöс пырын партиалön XVIII с'езд нима социалистическöй соревнованнё, буржыка велöгчыны школаын, лöсьöтны с'ездлö да родиналö подароккез.

Отряд поручитöм сьöрти:

Отрядлön председатель СТОРОЖЕВА
Звенозлön вожатйез: КУДЫМОВА КЛАВДИЯ,
ГУРИНОВИЧ ЗОЯ, ТУДВАСЕВА ШУРА.
Редколлегиялön членнэз: ЛИХАЧЕВА ЛЮДМИЛА,
ЗУБОВА СМЕНА, ЗЫРЯНОВА ЗИНА.
Знамя новйöтись БУЗОРИНА ТАСЯ.
Барабанщик БАТИН ВОВА.
Горнист СТОРОЖЕВ МИТЯ.
Пионервожатй ПИТКИНА ИЯ.

Кызд ме велöта партиались история

Сексянь, кызд вöли публикуйтöм партинöй пропаганда йылись ВКП(б) ЦК-лön постановленнё, ме ыджыт интересөн пондi велöтны партиались история Краткöй курс сьöрти. Аскежам велöгi кык глава ни и öни пондöтчи велöгны куимöдз глава.

Кызд ме велöта ВКП(б)-лись историясö?

Медперво ме быдсөн глаvasö внимательнöя лыддöбта. Сьöбрын öкта подсобнöй материал газеттэзись. Газеттэзын эмöсь уна бур статьяэз, кöднö колö обязательно лыддыны Краткöй курс главаэз велöгiкö.

Быдöс материаллэз лыддöм бöрын ме понда конспектируйтны учебникись главнöй вопроссэсö. Но конспект гыжа только сэк, көр материалсö вежöрта быдсөн. Эта понда ме пользуйтча марксизм-ленинизм первоисточникезöн. Сйдз Краткöй курсись первöй глава велöгiкö ме лыддöбти Ленинлись произведеннэз I да XIV томмезись.

Литератураөн ме заптиси бура. Эм менам Ленинлön одиотомник и трехотомник. Литература лыддикö бура думайтла, кызд большевистскöй партия, кöда вооружитöм революционнöй теорияөн, босьлис и босьталö победа бöрын победа.

Уна и упорнöя ковсяс уджавны IV глава вылын. Этö глаvasö вежöртöм понда колö тöдны историческöй материализм да материалистическöй диалектика.

Март 10 лунö оссяс партиалön XVIII с'езд. Эта знаменательнöй дата кежö ме думайта быдсөн конспектируйтны ВКП(б) история Краткöй курсись куим глава.

Соловьев

Кудымкарскöй райзонсь землеустроитель.

Шамильлön современниккез

Чечено-Ингушскöй АССР-ись, Введенскöй районись Элистанжа аулын олöны Гунакбай Гезиев да Хансимурад Дадаев. Гунакбай Гезиевлö öни 166 год, Хансимурад Дадаевлö—147 год. Кыкнааныс ния тöдöны народнöй геройс Шамильлöс, сы кипод увтын участвуи сö горецезлön национально-освободительнöй войнаын, пессисö русскöй царизмкöt да местнöй феодализмкöt.

Гунакбай Гезиев да Хансимурад Дадаев асланыс ныв-зонавзкöt, вруккезкöt да правнуккезкöt öни олöны Сталин нима колхозын.

Отсавны пионерской работникезлө лэбтыны ассиныс знаннээз

Косинской районись небылса шөрөт школазын эмөсө платной пионерской работникез. Сидз Бачмановской школаын уджалө эрт Морощкина, Чураковской школаын—эрт Тимофеева, Сольмской школаын—эрт Яковкина. Эна школазын пионерской удж позьё сувтотны образцовя, но сёжө удж сэтчин организуйтөм умөля. Причина умөль уджлөв сэтөн, что мукөд пионерской работникезлөн грамота, идейно-теоретической подготовка учөт. Например, Бачмановск о й школаись эрт Морощкина оз вермы сувтотны удж план, практической удж нүөтө самотөкөн. Комсо-

мольской организация сылө оз сет некытшөм отсөт. А начальной школазын вожатөйез оз тырмө, мый понда резкөя критикуйтисө ВЛКСМ райкомөс комсомольцев районной комсомольской конференция вылын. Но конференция бөрүн райком эта большевистской критикаись ас пондас эз кер практической выводдэз, пионерской уджон эз понды веськөтлыны вильмоза. Районной центрн пионерской удж сувтөтөм тожө умөля. Шөрөт школася отряддэзө пунктөмөс вожатөйезө комсомолкааз Габова Ольга, Шипицина Пелагея да Софронова, но Шипицина да Софронова от-

ряддэзө өнөдз эзна вовлө. Габова жө удж пондис организуитны сидз, кызд кужис. ВЛКСМ окружкомлөн пионерской отдел райкомлө оз сет некытшөм отсөт; пионерской уджон практической веськөтлөм туйө сая райкомө звонитлө только сводкааз өктөм понда. Пионерской удж районн поэас бура сувтотны только сак, көр отряддэз быдсөн лөасө комплекуйтөмөс кадрэзөн, көр ВЛКСМ окружком пондас заботитчыны сы понда, медбы пионерской работникез быдлуө лэбтисө ассиныс квалификация.

В. Быков
Баталова

Бурмөтны воспитательной удж велөтчиссез коласын

Кочевской районись Б-Кочинской школаын политико-воспитательной удж сувтөтөм умөля. Велөтчиссез коласын антирелигиозной воспитаннө абу организуйтөм. Мукөд велөтчиссез сө эшө веритөны религиозной брехнязэ, празднуйтөны поповской праздниккез да новийны перназэ. Эмөсө ны коласын и велөтчиссез комсомольцев. Сидз январь 19 луно чулөтчис комсомольской собраннө.

Собраннө вылө эз лок VII классын велөтчись-комсомолка Гелубчикова Анастасия. Ся собраннө туйө ветлис религиозной праздник, улицаазөт ветлөтис кодөн. Эта жө луно VI классись велөтчись Ракина Мария ветлис гортас празднуитны поповской праздник и сьорас нүөтлис мукөд велөтчиссезөс, кытөн вия тожө юисө спиртной напиткааз.

Школаись велөтиссез оз интересуйтө, кызд олөны велөтчиссез уроккез бөрүн, оз заботитчө сы понда, медбы челядьөс воспитывайтны культурой мортэзө, быдтыны нийө ридиналөн патриоттэзө. ВЛКСМ окружкомлө да окронолө колө видзөтны Б-Кочинской школаө да бурмөтны сэтчин политико-воспитательной уджөс.

Петрова

Архангельской школаын безобраззэз оз бырөтө

Юсьгинской районись Архангельской небылса шөрөт школасе проверяйтис натодиль организуйтөм окружной комиссия. Эта комиссия школаын аэзис вопиюшй безобраззэз и керис практической выводдэз, кызд колө ликвидируйтны безобраззэсө. Ся саяв кад чулалис уна ни, но школаись педколлектив өвдэз абу кутчисьбм ликвидируйтны безобраззэсө. Окружной комиссия веськыта висьталис школаись

завхозлө И. П. Власовлө, медбы ся вайис интернатө пес, организуйтис горрез буржыка лөнтөм. Однако, Власов эта йылись чунись чуньө эз вачкы. Көтшө школаын эмөсө кык вөв, ся интернатись техниккаөс тшөктө вылас ваявны пссө школа дынись интернатө. Интернатын комиссия бөрүн нем абу керомась. Койкааз увтын өвдэз бус да няты, абу сэтшөм места, кытөн позис бы велөтчиссезлө лөсьөтчыны урок-

кез-кежө. Преподавателлез интернатө вовлөны случайись случайө. Ны коласын систематической дежурство абу. Политико-воспитательной удж велөтчиссез коласын абу организуйтөм. Пора вуджнас летны эатшөм безобраззэсө. Колө большевистской кутчыны челядьөс коммунизм духын воспитайтөм бердө; воспитывайтны нийө сидз, кызд мянөс велөтө партия да эрт Сталин.

Мехоношин

О К Р У Г П А С Ъ Т А

МОПР-лөн окружной конференция

Февраль 14—15 лунвэзө Кудымкарской парткабинетн мунис МОПР-лөн окружной конференция. Конференция вылын вөлисө 33 морт. Лунся порядок вылын сулалисө вопроссез: Меж-

дународной положеннө йылись доклад, МОПР окружкомлөн отчетной доклад да МОПР окружком, ревкомиссия да областной конференция вылө делегаттэз бөрйөм.

Н. Яковкина

Окрисполкомлөн переходящй знамя нимтөм „Партиялөн XVIII с'езд нима переходящй знамяөн“

Окружной исполнительный комитетлөн президиум февраль 9 луно бур финансовой удж понда окрисполкомлись переходящй знамя нимтис „Партиялөн XVIII с'езд нима переходящй

знамяөн“. Знамя лөас сетөм партиялөн с'езд осьтөм луно ся районлө, көда эта лун кежө локтас финансовый план тыртөмн мецбур показателлезөн.

Лөсьөтчөны РККА-лөн 21-й годовщина кежө

Кудымкарской национальнй шөрөт школаын Рабоче-Крестьянской Красной армиялөн 21 годовщина кежө лөсьөтчөны концерт. Пионерез коласын чулөтчөны сборрез, көдвия вылын керөны беседаз гражданской война йылись.

РККА-лөн 21 годовщина кежө велөтчиссез 25 морт сетасө норма ПВХО значек вылө. Велөтчиссез мунасө Серва деревня, медбы культурной обслужитны колхозниккезөс.

В

РУБЕЖ САЙЫН

„Коварство и любовь“



Чемберлен (Франциялө):
—Милөй, кышав голяат этө пристежсө...
Рис. В. Лесевичлөн

Испанияись героической народ пондас одзлань пессьыны фашизмкөт

Фашистской интервенттэз, көд-на вөлисө вооружитөмөс пинне-эйдз, быдөс вынысө индисө слабий вооружитөм республиканской войскааз вылө. Республиканецез героической сражайтисө Каталониясө защищайтисө, но эз вермө сувтөтны итало-германской интервенттэзлөн танккезлис, гырись калибра артиллериялис да фашистской самолеттэзлис натиссөс. Республиканской армиялө эз позь войтны куш киззөн, көр боецезлөн эз тырмывлө нельки винтовкааз, а врагыслөн вөли быдөс вайөм Италияись да Германияись. Этасянь республиканской каталонской армия февраль 5 луно мунис Херона да Фигьрас городдэзись и пондис вуджны пиренейской границасө.

вищй артиллерийской да воздушной бомбардировкаазсянь, „Мырын етша эмөсө сэтшөм армияз, көдна вермись бы керны пессьөмын сэтшөм героизм да упорство, кытшөмө керисө мян солдаттэз медбөрся 50 луно“—висьталис республиканской правительстволөн юрались Негрин Барселона усөм бөрүн. Народ, көда гордй и смөв, абу покоритөм. Некөр фашисттэзлө не покоритны Испанияись героической народөс. Республиканской войскааз отступитисө Каталонияись, но народлөн воля одзлань пессьыны интервенттэзкөт абу чөгөтөм. Народлөн воля итало-германской вэзварэжкөт пессьөмын абу колебитөм, сидз кызд испанецез фашизмөс синяныс оз адзэ.

Нельки сэтшөм французской буржуазной газеттэз, көдна пыр сулавлисө фашисттэз дор, өчи пондис гижны, что „Даже ськыт думайтны, кызд республиканской войскааз страдайтисө вооруженнө тырмытөг. Тырмө висьтаваны, что артиллериян республиканецез вөлисө слабйжыкөс Франколөн армияся 9-ись, зенитной орудиезэбт—50-ись“.

130.000 каталонец эз кольччө фашисттэзлөн кватитөм городдэзөн. Ния вуджны французской граница, медбы только не кольччыны ненавистной интервенттэз власть утө. Каталония усис. Но республиканецез одзлань сопротивляйтчөны фашизмлө. Республиканской Испаниялөн территория эшө вуджит. Ся занимайтө 120 тысяча квадратной километр. Испанской республиканской боецез, көдна калитчись фашизмкөт куз да ськыт войнанын и өни одзлань сопротивляйтчөны враглө, видайны захатчиккезлис нитиск Мадридской да Эстремадурскөй фронттэз вылын.

Республиканской армиян вөлисө боецез 120 тысяча морт, пушкааз 300, танккез 50, самолеттэз 50 и артиллерийской снаряженнө кык нелль кежө.

Мадридын, центральной зонаись горддэзын да посаддэзын испанской народ бантө правительстволө аслас верность йылись, фашизмкөт одзлань пессьөм йылись.

Этатшөм неравнй бойезын республиканской войскааз керисө чудесааз, героизм. Боецезлө квисис пыр н у ө т н ы о о и е з, ния эз у з ь л ө, у м ө л я п и т а й т ч и с ь, с т р а д а й т и с ь ч у д о

Героической испанской народ оз ло фашизмлөн рабн! Ся оз ло покоритөм!

Фашисттэз Германской народөс йөртөны концентрационной лагеррезө

Германской фашисттэз усилен оя строитөны концентрационной лагерре антифашисттэз понда. Совсем неважын вөли лэбтөм виль конц нтрационной ла-

герь неылын Пассаусянь (Австрия). Но эта фашистгэ-лө лөис етша, ния лэб-тисө эшө өтик виль лагерь Вена дынн—Корганеын.

„Болотной солдаттэз“

Кудымкарской кинотеатрн февраль 14 лунсянь пондис демонстрируйтчыны виль звуковой антифашистской фильм „Болотной солдаттэз“. Кунм луно квать сеанс вылө вөлисө видзөтны картинасө 964 м рл.

Веськөтөм

„Том большевик“ газета 12-өт нэмерө вөли печатайтөм заметка „Кытчө лөис коллективлөн денга?“ Эта заметкаись медбөрся абзацын лэцэбм ошчбкя: „Кочевской районлө колө“ гижөм туйө лыдыб: „Косинской районлө колө проверитны этө фактөс и отсавны челядь коллективлө адзыны денгась“.

РЕДАКЦИЯ

Отв. редактор Н. Бражнин